

改良申曲大全

上海東鄉調



民國三十五年十一月再版

申曲大全（全書一冊）

實價

版權
所有

編著者 施春軒君

校對者 沈鶴泉

出版者 大美書局

總發行所 沈鶴記書局

上海白克路長沙路口

分售處各省大書局

改良申曲大全目錄

改良遊碼頭.....

遊花園(甲).....

菴堂盤夫.....

菴堂認夫.....

拔蘭花.....

大庵堂(上坟祭祖).....

大庵堂(拷打紅雲).....

出燈.....

雙買花.....

朝賦.....

調燈.....

倒約(罵鬚鬚).....

比家當.....

八寺塔.....

壽字開篇.....

小分離(甲).....

繡荷包.....

三五三四三三三一二八二六二五二四二一二九一七一六一四一二一六一一

申曲大全 目錄

二

鳳陽花鼓	三六
賣紅菱	三七
張鳳山看燈	三九
怕家婆	四二
捉牙蟲	四三
摘石榴	四四
夫妻相爭(甲)	四七
敗子回頭	五〇
阿嫂告偷情	五四
情癡買郎眠	五六
賣花球	五八
四季春調	六〇
小分離(乙)	六〇
賣冬菜	六二
逼藍衫	六三
黃糠記	六五
大出燈	六七
喪良心	七一
比海棠	七三

秋香送茶

七四

三年會情

七六

賣妹成親

七七

陸雅臣

七九

菴堂相會

八七

贈花銀

九三

拾打譜

九六

周老龍嘆窮

一〇六

嫂告

一一〇

張鳳山

一二二

還金釵

一四

小分離(丙)

一六

遊碼頭

一八

遊花園(乙)

二〇

借披風

二三

姑嫂燒香

二四

夜夜遊

二五

跳槽

二六

趙五娘四季春調

二六

申曲大全 目錄

四

花園會·····	一二七
小孤孀·····	一二八
喜字開篇·····	一二九
的篤班調·····	一三〇

改良申曲大全

改良遊碼頭

(旦唱)一不許勸君不要遊碼頭。說道遊碼頭。一里改作十里走。十里改作百里遊。百里改作千里走。千鄉萬里郎去遊。常言道出門要防三六九。三九天氣倒還罷。獨怕夏天六月頭。大雨不落小雨丟。大雨落拉郎心口。爺做郎中無藥救。問儂哥哥阿相信。倘然勿相信。遊碼頭告我說根由。那年出得一位隋煬皇帝。一位隋煬皇帝陸地去行舟。要到揚州瓊花看。萬里江山一筆消勾。勸郎君不要遊碼頭。(副唱)愛大。小姐勸我外些。不要遊碼頭。(旦)是呀。(副唱)愛儂說道遊碼頭。出門要防三六九。(旦)勿錯。(副唱)那年出個隋煬皇帝。(旦)啞。(副唱)隋煬皇帝陸地去行舟。要到揚州瓊花看。(旦)啞。(副唱)萬里江山一筆消勾。此人也爲遊碼頭。(旦)儂勿要去。(副唱)阿唷賢妹吓。儂內中情節不曉得個。侬個好妹妹吓。遊過啥場化。看過啥碼頭。嚙啥做。我前後碼頭說根由。(二段)(副唱)奈末要唱遊碼頭。遊碼頭來遊碼頭。遊碼頭遊天走入地遊。遊東洲來遊西洲。遊南洲遊北洲。遊天走是天上嚙路那能。

遊。但等八月半夜裏頭。家人家看月華。吃賞中秋。要看五顏六色雲。相關。好比遊天走。入地遊。但等七月三十夜裏頭。家人家門口頭。插仔棒香蠟燭頭。好比遊地走。我遊東洲。東天日出扶桑國。東天場化出日頭。遊西洲。西太湖看過落日頭。遊南洲。遊到南海看歇過。七七四十九只觀音殿。觀音娘娘拜北斗。遊北洲。遊到北京城。太總統個後門口。遊歇過四大名洲。出歇過叫四只名猴。東勝神洲。出過一只翡翠石猴。南瞻部洲。出過一只六耳拉名猴。西牛賀洲。是通天猿猴。北鉅蘆洲。一只人面墨猴。四大名洲出四只猴。天爲蓋洲。地爲托洲。山爲浮洲。水爲流洲。火爲景洲。人爲行洲。萬國九洲我去遊。北平看過皇碼頭。南京相過關碼頭。山東看過長條子。一排人才是大塊頭。甯波看過花碼頭。紹興看過酒碼頭。江北看過豬碼頭。江西要看碗碼頭。揚州看過水碼頭。乍浦看過木碼頭。湖州要看絲碼頭。蘇州看過船碼頭。杭州看過佛碼頭。松江看過兵碼頭。啥個場化遊碼頭。松江府七縣遊。華上清南金奉婁。兩州轄管十一縣。崇眞嘉寶太倉州。太倉出歇黃閣老。合蟠桃從前吃歇過嫩白藕。紅粉姣娘飾綾綢。小小南翔賽蘇州。八字橋相對九間樓。阿姐搭色湖州客。一年四季送到頭。上海浦東地界我去兜。鹽運司衙門造辣海灘頭。川沙看過無名府。上官

衙門相對一只無名府州。一出川沙北關門口。小灣大灣到路口。到浦東問得高橋橋不高。到浦西問得寶山。山不有。小小黃浦通東海。陸家嘴起造只望鄉樓。(二段)(副唱)行之一到上海地。過仔楊樹浦。索格朝南走。一兜兜到外虹口。返到裏虹口。白渡橋朝南走。大英大馬路圈子兜。電車來往無休息。馬托卡黃包車不斷頭。走到五龍日昇樓對過天蟾舞台。從前上底樓外樓。先施永安兩面造。大東東亞旅館二層樓。三層樓。永安公司頂高七層樓。外國人心思巧。電燈利用燈泡不用油。黃昏亮到五更頭。新新公司生意終算也勿邱。要到二馬路天蟾舞台。有心朝南走。兜到三馬路。大舞台對過天曉得。就是文魁齋。拿個烏龜招牌。掛出辣門口頭。小花園堂子裏向吃花酒。生意浪兩個阿姐打合我做花頭。過仔小花園朝南走。走到全家福去大菜吃。上海舞台去兜兜。走到六馬路中央明星片子算魁首。有個導演主任張石川。新戲老前輩先生讓還鄭正秋。大世界一扇大門開辣西橫頭。跑馬廳一直兜。遠東飯店電梯扶梯抖老抖。像個盪鞦韆。大中華跳舞場新開幕。生意也勿邱。爵祿飯店開辣一品香隔壁頭。新世界也去兜。又心朝西走。走到靜安寺看過一只反水井。張園看歇放汽球。東法華西法華到徐家匯。福開森路朝東走。霞飛路一直兜。兜到

入仙橋夜飯要吃狀元樓。法蘭西大馬路去兜兜。電車來往無休息。馬達卡黃包車不斷頭。大白鳴鐘鐵柵勒週轉。才是矮牆頭。又心我要朝東走。走到黃浦灘。大小火輪船拉浪水上面浮。走到十六浦。陸家閘橋從前。才是邱人頭。搶毡帽割腰兜。念年前頭三隻手。裏鹹瓜街朝南走。一進大東門。奈末進城兜。蔓笠橋相對火神廟。縣前相對石牌樓。三牌樓相對四牌樓。魚行橋落北三個曲折灣。舒老爺造脫辣虹橋頭。城裏有只城隍廟。城隍大老爺當中坐。八個皂隸分左右。星宿殿現在搬場搬拉辣。後底三層樓。後花園新造九曲橋。橋九曲。水門汀欄杆分左右。湖心亭一只新造好。相對春風得意樓。柴行廳書場對過四美軒。石角就是羣玉樓。小世界生意也不邱。老闖就是陸錫侯（四段）（副唱）出城門朝前走。過仔鄭家木橋一直兜。橫也走。豎也走。兜到四馬路。強得利買得利。印度阿三立拉馬路口。又心一直兜。兜到大英大馬路。紅燈不好跑。綠燈朝前走。過仔老閘橋。北火車站買張火車票。出門兜。上海景緻才曉得。丟脫上海換碼頭。頭一個碼頭到瀏河去。瀏河有只娘娘廟。結頂要用螺絲頭。西洞庭桃梅芭蕉果樹。東洞庭帶髮尼姑走拉路。浪直勿邱。小小太湖可三州。無錫錫山山無錫。紫燈司務出揚州。丹陽涼帽名聲重。紅泥鴨蛋出高郵。高郵皂白

六部休。穿過丹徒鎮。泗安廣德州。反來到台頭。台頭山浪出毛竹。買歇毛巾烟筒火。婆頭送親眷。咤分朋友。遊到烏鎮北柵口。看過青天無日頭。四大名州我去遊。景德佛山朱仙鎮。淮安徐州到漢口。龜山相對黃鶴樓。揚州看過平山堂。嘉興看過烟雨樓。鎮江看過金山寺。法海禪師妖怪收。白娘娘永葬西湖雷峯塔。但等水乾有出頭。鎮江到瓜州。瓜州到淮州。淮州到海州。海州到烏州。烏州到登州。登州到青州。青州到湖州。湖州馬上到杭州。杭州景緻真不邱。飛來峯相對靈隱天竺寺。有金剛羅漢五百尊。面對面。口對口。濟顛僧井裏希。希吼希吼拔木頭。西湖景也去兜。一枝桃夾枝柳。柳綠桃紅出虎邱。上有東坡題詩句。下有魚鱗蝦蟹水面上浮。游來游去游到水底長生月。人到此地鳥回頭。岳王墳兜一兜。岳家父子盡忠孝。秦檜奸賊夫妻兩家頭。跪拉岳老爺個墳跟頭。燒香客人來走過。看見秦檜打打秦檜蠟搭頭。見到長舌婦。摸摸長舌婦。兩只奶奶頭。燒起香來祇爲好。來勿爲邱。杭州到蘇州。狄條路那能走。一出杭州北關門口。平望八尺木瀆鎮。七里山塘到虎邱。虎邱有只玲瓏塔。廿三盞頭鐘鼓樓。獅子回頭望虎邱。獨脚山塘跨兩縣。還有皇宮在後頭。伍子胥去造一塊四季石。乾隆皇帝御筆留。進閶門朝裏走。蘇州城裏有只玄妙觀。白相圈子兜。夜

裏要到四擺渡。白相兩只蕩湖船。阿姐出風頭。蘇州蕩湖船。阿姐名氣有。一身打扮真考究。頭髮團梳末梳個元寶頭。兩只眼睛滑溜溜。銀練條紅肚兜。兩只奶奶抖抖。抖像山東人賣個大饅頭。阿唷只搭搖動一只舟。身體裏一裊。扭一扭。害我嘔吐水。點到脚跟頭。蕩湖船阿姐起本頭。眉眼做個做。手來扭一扭。我末答答頭。穿跳板。望上走。中艙裏去擺桌酒。蕩湖船阿姐坐拉脚饅頭。五景魁手。全家福祿發拳頭。發之拳頭也罷哉。唱小調唱還其日日。嚙夜夜遊。還唱上海新碼頭。唱得我心裏熱不過。大清洋鈿一頓挖兩頓丟。早也丟夜也丟。橫也丟豎也丟。丟丟空一雙手。奈末弄來勿色頭。撥拉蕩湖船浪阿姐就看邱。殺千刀輕骨頭。一脚踢到湖灘頭。奈末求咂求。像只落水狗。航船不趁無錢客。飯店無錢不收留。現在不去遊碼頭。

遊花園(甲)

(旦唱)一年四季常三春。走出范家小女嘆終身。燒香來仔長長遠。要作別倪表哥。轉門庭。(副唱)表妹妹儂回家轉去辰光早。此地盤陀山頭頂。(旦唱)那哼。(副唱)三百六十行。行行生意才拉銅鈿尋。(旦)呸。(副唱)今朝是個大香汛。阿要搭儂表

妹兩家頭去看看遊花園個花園景。(旦)倒好個。(唱)來。表妹領導前頭走。(副)走好仔。(旦)呌。儂當心。(副)喔唷一隻脚。小來一眼眼。(旦)倒是個。(副唱)表妹領導前頭走。有我表哥拉後底跟。(旦唱)遠看見花園裏向能熱鬧。(副)今朝交關仔熱鬧。(旦)愛鬧猛來。(副)花園裏好白相來。(旦)愛。(唱)表哥哥四角式。咵啥個亭。六角式。咵啥個亭。八角式。咵啥個亭。八角式。就是歇涼亭。(旦)歇涼亭。六角式呢。(副唱)六角式就是六角亭。(旦)八角式。(副唱)八角式就是八角亭。湖當中一只就叫湖心亭。扇子式。咵。扇子亭。精光滑塌百齡亭。(二段)(旦)表哥。(副)愛。表妹。(旦)倒蠻好聽個。掉個好去哦。(副)好個。再走再走。(旦)表哥伊面拉做啥。(副)該面交關好白相。賣梨膏糖。(旦)賣梨膏糖倒蠻好聽個。我要去聽。(副)儂那能樣樣要聽個。(旦)愛。俚篤才拉聽來。(副)江北人賣梨膏糖。(旦)江北人賣梨膏糖。我不曾聽見過。(副)我阿要唱撥儂聽聽。(旦)倒謝謝儂。(副)照名份要用洋琴。(旦)儂阿有。(副)我洋琴勿用。(旦)用啥物事。(副)鼻頭裏向鼻琴。(旦)儂唱撥我聽聽看。(副)姆姆狄個就叫鼻琴。(旦)呌。狄個琴愛。(副唱)小小洋琴四角方。晚生要賣梨膏糖。四方八鎮多賣過。賣到上海好地

方姆。(旦)愛愛做啥。(副)鼻頭裏吹洋琴。(旦)呒。鼻頭裏洋琴。(副)伊面又拉賣。
(旦)又拉賣做啥吓。(副唱)蘇州人賣梨膏糖。(旦)呒。蘇州人賣梨膏糖。(副)唱起
來交關好聽。(旦)儂唱撥我聽聽看好哦。(副)阿要唱撥儂聽聽。(旦唱)好革。(副
唱)一更裏來好名堂。兩用藥名共砒霜。三更裏觸飢歸天去。四更裏必定見閻王。
五更道士來取座。要用六個大和尚。七寸牌位沉香木。八個人要用獨龍槓。九(究)
竟爲些啥毛病死。十(實)情觸飢一塊斷命糖。(旦)喔唷。我不要買哉。要死個末吃
仔。(副)吃仔糖就要蹺辮子個。(旦)喔唷。勿好勿好。(副)一樣個江北人講個閒話
揚州人交關難聽。(旦)那哼交關難聽。(副)本幫人不相信走過飯店門口頭。兩個
堂倌喊兩聲小菜交關好。(旦)那哼交關好。(副)咳。後來生煎黃魚白斬鷄生炒牛
肉絲小蹄胖一碗鹹肉豆腐湯。喉。(旦)個末江北人那哼個。(副)江北人一樣兩樣
物事叫起來難聽哉。(旦)那哼難聽。(副)儂勿相信走到江北店家去聽聽。江北人
看。(江北人音菜同上)。(三段)。(旦)表哥。(副)愛表妹。(旦)伊面江北人呢。再掉過
去好哦。(副)再掉過去走走。(旦)表哥伊面拉做啥。(副)喔唷。伊面交關好白相。
(旦)啥個事體。(副)伊面拉唸宣卷。(旦)喔唷。唸宣卷我要去聽哩。(副)文明宣卷。

(旦)我要去聽個好哦。(副)儂樣樣要聽。(旦)別人家才拉聽呀。(副)我來唱撥儂聽聽看。(旦)好個。(副)拉下去吓。(副唱)我說八仙過海浪滔滔。王母娘娘把手招。請問衆仙到何處去。特來片子裏向獻蟠桃。張果老倒騎驢子呼呼笑。漢鍾離坦出肩胛露出腰。藍采和手裏花錦繡。何仙姑手裏蓮蓬搖。韓湘子碧玉吹出秋江月。曹國舅獨步揚揚望外跑。鐵拐李走拉路浪蹠蹠。純陽拔劍斬妖精。南無八仙王菩薩。(旦)喔入仙過海。(副)聽入仙就是八仙王菩薩。(旦)倒蠻好個。(副)大小姐還有交關好白相個物事。(旦)格末佢掉過去好哦。(副)遊花園叫三百六十行個生意。(旦)有啥啦。(副)樣樣才有個。(旦)喔才有個。(副)再走再走。(旦)表哥伊面做啥吓。(副)喔唷伊面甯波人。(旦)甯波人啥事體。(副)來拉唱調花燈。(旦)調花燈我要去聽哩。(副)愛聽儂倒又要聽個。(旦)愛我要聽聽好哦。(副)我少許會得唱兩聲。(旦)格末唱唱看。(副)交關好聽。(旦)那哼唱法仔。(副)聽是聽眼調頭。伊拉要敲傢生。我傢生勿用。只好瞎三話四唱兩聲。(旦)格末請儂唱噯。(副唱)一年四季常吓常長春。小姑娘看戲轉門庭。告訴阿拉阿姆聽。噲吓噲吓。告訴阿拉阿姆聽。聽。(四段)(旦)表哥。(副)愛表妹。(旦)狄個甯波人倒蠻好聽個。再掉過去好哦。

(副)再走再走。(旦)表哥伊面拉做啥。(副)伊面一個叫化子苦腦拉唱叫化子五更調。(旦)叫化五更調我倒要去聽哩。(副)儂倒又要聽個。(旦)人家才拉聽呀。(副)我也會唱兩聲。(旦)儂唱撥我聽啫。(副)要搭緊仔叫化子喉嚨啵唱個。(旦)好個。(副)拉上去咳。(副)我說一更一點月正弦。踏上街沿。咦呀呀得噲。叨光一個鈿。一個人來拉世界浪向窮靠富來富靠天。叨光些保佑唔篤手脚輕健。咦呀呀得噲。不落虛空鈿。我說二更二點月正圓。到仔黃昏頭。咦呀呀得噲。走到後門口。娘娘太太阿有啥吃剩併剩飯碗頭。搭仔肉骨頭。救救窮人好比餵隻狗。咦呀呀得噲。開金龍手。我說三更三點白洋洋。天氣蠻冷。咦呀呀得噲。才是寬宏大量。府浪向娘娘太太好姑娘。才是軟心腸。救救窮人好比燒香。咦呀呀得噲。像買蛇放生。我說四更四點月正消。新年要快到了。咦呀呀得噲。家家鑼鼓敲。望那聽片子娘娘太太先生們等年年高。咭節節高。總要運道好。行得好心真是有好報。咦呀呀得噲。望那年賺元寶。我說五更五點月正圓。叫聲老闆。咦呀呀得噲。善門開開。一個人叫明中去是暗中會得來。望那發橫財。叫一聲老闆下趟不來哉。咦呀呀得噲。阿有冷粥冷飯。

菴堂盤夫

(旦唱)清明時節雨紛紛。那菴堂裏走出金秀英。(白)原來叔叔。(生)愛小姐。(旦)人過不留名。鳥過不聽聲。(生)小姐。鳥過不能聲怎樣。(旦)春夏秋冬。(生)人過不留名。(旦)張三李四。(生)小姐道我的名姓。莫非有錢財往來麼。(旦)談談何妨。(生)小姐請坐。有興者多談數言。無興者少談數語。(旦唱)問叔叔。(生)小姐。(旦唱)出身家住何方地。(生唱)小姐問我來告訴儂聽。蘇州府該管崑山城。(旦唱)百家姓上姓個啥。(生唱)小姐咳。百家姓浪第十字。耳東旁本姓陳。(旦唱)令尊大號要請教。(生唱)小姐咳。倪先嚴有錢稱贊一聲陳百萬。名字就叫陳會文。(旦唱)問叔叔台甫要請教。(生唱)小姐吓。爹媽叫我陳阿興。進過先生學堂門。學館留名草字陳宰廷。(旦唱)弟兄昆仲有幾位。(生唱)小姐吓。我上無兄。下無弟。像枯廟裏旗杆獨一根。(旦唱)今年貴庚有幾歲。(生唱)十五加三。阿啲十八春。(二段)(旦唱)問叔叔。叔叔可曾攀親眷。(生唱)小姐吓。儂不提我攀親也罷哉。提我攀親最傷心。九歲那年早攀親。攀仔親事勿曾討。目下賽過未攀親。(旦唱)儂攀親攀在